

Ata Faata'ita'i o le Fuafuaga Faatino mo Fesoasoani i ē lē Atoatoa le Malosi o le Tino ma le Mafaufau ma A'oa'oga

Vaega e na'o tusitusiga

Mataupu o iai

O le ata Faata'ita'i o le Fuafuaga Faatino mo Fesoasoani i ē lē Atoatoa le Malosi o le Tino ma le Mafaufau ma A'oa'oga	4
Vaega e ave iai le faamuamua	5
1. Ia faaleleia le auala o loo iloiloina ai tamaiti ma fanau talavou ina ia iloa o latou manaoga mo a'oa'oga. 5	
2. Faamalosia atili auala eseese o loo faatino ai le lagolagosua mo tamaiti ma fanau talavou o loo iai o latou manaoga mo le a'oa'oina ma le lē atoatoa o le malosi o le tino ma le mafaufau.....	5
3. Faaleleia le auala matou te taulima ai fanau aoga ia ua afaina i aafiaga eseese o le mafaufau ma tamaiti e mata'ina le masasau o latou mafaufau.	6
4. Ua iai i fesoasoani mo a'oa'oga ia alaga'oa e faateleina ai le fesoasoani ma auaunaga.	6
O sootaga o le Fuafuaga Faatino mo Fesoasoani i ē lē Atoatoa le Malosi o le Tino ma le Mafaufau ma i A'oa'oga, i isi polokalame lautele tau a'oa'oga ..	7
Aufaigaluega mo a'oa'oga	7
Soifua manuia ma vave ona toe faaleleia se faaletonu	7
Faamaumauga ma le fuafuaina o le aogā	7
Uuna'ia le auala e momoli atu ai fesoasoani mo a'oa'oga.....	8
Le auala e momoli atu ai fesoasoani i a'oa'oga	8
Learning Support Facilitator	9
Learning Support Coordinators	9

E iai i fanauiti uma ma fanau talavou le aiātatau e maua ai a’oa’oga.

Mai le to’a 5 o fanauiti ma fanau talavou, e to’a 1 o i latou na e manaomia se fesoasoani faaopoopo mo ana a’oa’oga.

O a’oa’oga e aofia ai tamaiti uma e faia ina ia faamautinoa o loo aoga tamaiti uma, ia latou a’oa’oina ma ausia soo se mea latou te moomia. O fesoasoani mo a’oa’oga e faasino atu i fesoasoani faaopoopo e manaomia e nisi fanauiti ma fanau talavou ina ia a’oga ma ausia tulaga lelei i a’oa’oga.

O le ata faata’ita’i o le Fuafuaga Faatino mo Fesoasoani i ē lē Atoatoa le Malosi o le Tino ma le Mafaufau ma A’oa’oga o loo taula’i atu i le fafauina a’e o se faiga atoatoa tau a’oa’oga lea e talia uma ai fanauiti ma fanau talavou o ē o loo iai ni manaoga faaopoopo mo latou a’oa’oga, e aofia ai ma i latou e lē atoatoa le malosi o le tino ma le mafaufau. O iinā e faatāua ma lagolagoina ai mea o latou ausia, lo latou aga’iga’i i luma, le olaga manuia, ma o latou sao o loo faatino.

E tatou te lei ausia. O fanauiti ma fanau talavou e iai o latou manaoga mo a’oa’oga ma lē atoatoa le malosi i le tino ma le mafaufau, o latou mātua, tagata o loo tausia i latou, o aiga ma vaega o loo gafa ma a’oa’oga mo i latou e lē atoatoa le malosi o le tino ma le mafaufau, ua faasoa mai o latou atugaluga i le lelei o loo iai le faatulagaina o a’oa’oga. O atugaluga nei ua atagia mai i le faavasegaina i le tele o loo fai ai se sao ma ausiaga o loo maua e fanauiti ma fanau talavou e lē atoatoa le malosi o le tino ma le mafaufau ma manaomia se fesoasoani ia latou a’oa’oga.

O le ata Faata'ita'i o le Fuafuaga Faatino mo Fesoasoani i ē lē Atoatoa le Malosi o le Tino ma le Mafaufau ma A'oa'oga

Ua fafauina le ata faata'ita'i o le Fuafuaga Faatino e tali atu ai i tuualalo mai mātua ma aiga ma vaega o loo nafa ma a'oa'oga ma fanau e lē atoatoa le malosi o le tino ma le mafaufau, ma sa logoina mai foi e le 2015 Learning Support Update ma le Select Committee Inquiry ina ia faailoa ma lagolagosua i fanau aoga i aoga tulagalua ma aoga mauaululuga, o loo fesaga'ia lu'itau ogaoga o le dyslexia, dyspraxia ma le autism spectrum disorders.

O le sini autū o le Fuafuaga Faatino ina ia uuna'ia le faatulaga o se polokalame tau a'oa'oga o le a talia uma ai tamaiti ma fanau talavou o loo iai o latou manaoga faaopoopo tau a'oa'oga, e aofia ai le lē atoatoa o le malosi o le tino ma le mafaufau, ma o le a faatāua ma lagolagoina ai o latou ausiaga, lo latou agaigai i luma, lo latou soifua manuia ma o latou sao e faatino. Ua faamoemoe e fausia a'e i luga o galuega o loo iai i le taimi nei, e aofia ai le Learning Support Delivery Model ma le Ministry of Health-led Disability System Transformation.

O le ata faata'ita'i o le Fuafuaga Faatino ua fafauina ina ia silasila le matagaluega i manaoga ma mea e ave iai le faamuamua. O loo faailoa mai ai le tele o mea e tatau ona ave iai le faamuamua mo isi tausaga ia o loo sosoo mai. E manaomia ona tatou faapaleni lelei le faamalosi o le fesoasoani o loo faia i totonu o a'oga ma le faateleina o auunaga e tuuina atu i mea o loo maua ai alaga'oa e faatino ai na auunaga.

O le a moomia le faasolosolo mālie lava ona faagai na faatinoga a'o faagasolo taimi. O faatinoga taitasi e faailoa mai ai iuga o faatalatalanoaga, ma faaiuga na faia mo isi galuega faaopoopo i le faatulagaina o faiga faavae ma le faatupeina. O nisi uma faatinoga fou o le a fua i faaiuga e fai e le Malo i le faatupeina, a'o lei faatinoina loa.

O faatinoga uma o le a faatulaga ma mamau e fua i tu ma aganuu, ina ia amanaia ai manaoga patino faaleaganuu, ma le tulaga o tamaiti ma fanau talavou ma o latou aiga a Māoli ma le Pasefika.

O le a fesootai atu foi le Fuafuaga Faatino i isi vaega e ave iai le faamuamua a le Polokalame o Galuega mo A'oa'oga, e pei o Tomorrow's Schools Review, NCEA Review, early Learning Strategy, fuafuaga faataatitia mo a'oa'oga a Māoli ma le Pasefika, ma le Fuafuaga Faataatia mo le Soifua Manuia o le Tamaitiiti.

Vaega e ave iai le faamuamua

E fā vaega autū e ave iai le faamuamua

1. Ia faaleleia le auala o loo iloiloina ai tamaiti ma fanau talavou ina ia iloa o latou manaoga mo a'oa'oga.

Matou te mananao ia mafai ona vave lo matou matauliaina o manaoga o tamaiti ma vave foi ona tali atu iai.

Meafaigaluega mo le iloiloina o manaoga

E matou te faatū atu se lafo, ina ia faia lenei galuega e ala i le galulue faatasi ma isi matagaluega a le malo e aofia ai le Matagaluega o le Soifua Maloloina ina ia fafau a'e ni taiala ma meafaigaluega i le gagana Peretania ma le Te Reo a Māori e galulue faatasi ina ia iloa ma iloiloina manaoga o tamaiti i vaega eseese o a latou a'oa'oga. E mafai ona aofia ai:

- Fai uma siaki o le soifua maloloina pe a atoa le 3 tausaga o le matua
- Ia faaaauau pea ona siaki manaoga o tamaiti pe a faatoa ulufale i a'oa'oga
- Faatulaga se siaki (screen) mo le dyslexia ma le dyspraxia mo tamaiti i le va o le 6 ma le 8 tausaga le matutua
- Faatulaga se siaki (screen) mo tamaiti e mata'ina le masau o latou mafaufau i le va o le 6 ma le 8 tausaga le matutua
- Siaki masani o le soifua maloloina ma le ola manuia pe a oo ina oese mai tamaiti mai aoga tulagalua ae agai atu i aoga maualuluga.

Aoaoina o faamaumauga autū

E matou te faatū atu se lafo, ina ia fafau a'e se faiga e aoaoina ai faamaumauga autū uma ina ia mafai ona maua e aoga uma ma lelei ai ona faatino le auaunaga auā le faamalieina o manaoga o tamaiti aoga uma i soo se vaega o le atunuu. O lenei foi aoaoina o faamaumauga autū o le a maua ai e le Malo le tomai e silafia ai manaoga e ao ona amata ai ni suesuega, ma fai ai ni fuafuaga mo le tapenaina o alaga'oa ma le fuafuaina o tagata e galulue ai i le lumanai.

O le a matou faalauteleina atili le aogā o le galuega lea ua uma ona faagasolo e ala atu i le polokalame o le Integrated Education Data ([iEd](#)), aemaise lava i le poloketi lea e feaasoa'i ai faamatalaga o tamaiti aoga, le Student Information Sharing Initiative ([SISI](#)), o se vaega lava o lenei galuega.

2. Faamalositili auala eseese o loo faatino ai le lagolagosua mo tamaiti ma fanau talavou o loo iai o latou manaoga mo le a'oa'oina ma le lē atoatoa o le malosi o le tino ma le mafaufau.

E matou te fia faaleleia mea o loo lape ai le auaunaga i le taimi nei i le polokalame, ina ia lelei le tali mai mo le faamalieina o manaoga o fanau uma o loo aoga, e aofia ai ma tamaiti ma fanau talavou o loo iai i ni tulaga sili ona lamatia o latou olaga.

E matou te faatū atu se lafo ina ia faia lenei mea e ala i le:

1. **Faatulaga se tasi e ta'u o le Learning Support Coordinator** (o loo ta'u i le taimi nei o le Special Education Needs Coordinator poo le SENCO), ia faamautu i totonu o aoga, o lana matafaioi o le lagolago ma fesoasoani i aoga ina ia maua le tomai ma le malamalama o faiaoga, ma ia aveia foi o ia ma taula'iga autū e fesootai atu iai mātua ma aiga

2. Saunia se **faatulagana tau fesoasoani e mafai ona fetuutuunai** mo tamaiti ma fanau talavou o ē e lē o agavaa mo le polokalame faaauau lea e mau ai alaga'oa, le Ongoing Resourcing Scheme (ORS), e aofia ai fanau aoga o loo afaina i aafiaga eseese o le mafaufau
3. Inivesi atili i auunaga ia e **vave ona tuuina atu fesoasoani** e lē gata i le soifua maloloina ae faapea foi i a'oa'oga
4. Faatino se polokalame faagasolo e saili ai **vaifofo o fevesia'iga** ina ia maua e mātua, aiga ma aoga se isi laasaga e see atu iai pe a tulai mai faafitauli
5. **Faaleleia atili fesoasoani mo fanau talavou o loo i ni tulaga lamatia** ina ia mafai e fanau aoga uma ona o i le aoga, pe o atu i toleniga poo galuega
6. **Suiga:** la iloa fesoasoani faaopoopo e manaomia, ina ia mafai e fanau talavou o loo iai manaoga mo fesoasoani i a'oa'oga, ona latou ulufale i polokalame a a'oa'oga maualuluga, o iunivesite, maua fautuaga mo le sailia o galuega, ma suia atu i le faaauauina atili o a'oa'oga
7. Galulue faatasi ma le Matagaluega o le Soifua Maloloina ina ia **faatulaga fesoasoani ma auunaga mai vaega uma na e lua, le soifua maloloina ma a'oa'oga** mo fanau e lē atoatoa le malosi o le tino ma le mafaufau o ē mai le pepe meamea seia oo i le 8 tausaga le matutua (o se vaega o le uluai polokalame ua ta'ita'ia e le Matagaluega a le Soifua Maloloina mo le Disability System Transformation).

Mātau mai: o le a matou tilofa'ia ni eseese e ono tulai mai i le kilivaina atu ma le faagasologa o auunaga mo aoga i tuu i tua ma aoga tu taulaga.

3. Faaleleia le auala matou te taulima ai fanau aoga ia ua afaina i aafiaga eseese o le mafaufau ma tamaiti e mata'ina le masasau o latou mafaufau.

Matou te mananao i tamaiti ma fanau talavou ia e afaina i aafiaga eseese o le mafaufau (e aofia ai i latou e maua i le autism spectrum disorder, dyslexia ma le dyspraxia) ma/poo tamaiti e mata'ina le masasau o latou mafaufau, ina ia mafai ona latou ausia atoatoa o latou tomai o iai.

E matou te faatū atu se lafo ina ia faia lenei mea e ala i le:

1. **Faaleleia atili tomai o faiaoga:** fesoasoani i faiaoga ina ia amanaia o latou manaoga ma tali atu iai, e aofia ai le tilofa'ia o avanoa eseese mo le faia o ni uluai toleniga mo faiaoga (initial teacher training - ITE) ma a'oa'oga ma atina'eina faapolofesa (professional learning and development - PLD)
2. Saunia **atili nisi faamatalaga** e uiga i le a'oa'oina o fanau aoga ua afaina i aafiaga eseese o le mafaufau, ma sailiili se avanoa mo ni meafaigaluega fou
3. Galulue faatasi ma i latou ua tomai faapitoa o loo iai i le vaega e saunia **le fesoasoani fetuutuuna'i lea o loo tulimata'ia** ina ia faafetaia'ia lu'itau patino o loo feagai ma tamaiti e mata'ina le masasau o latou mafaufau ma tamaiti ua afaina i aafiaga eseese o le mafaufau, i totonu o aoga maualuluga.

4. Ua iai i fesoasoani mo a'oa'oga ia alaga'oa e faateleina ai le fesoasoani ma auunaga.

E matou te fia faamautinoa o loo lava ma totoe alaga'oa e tali atu ai i manaoga ua iloa ma le mafai ona fetuutuuna'i ina ia sa'o ai le auala e faia ai lenei galuega.

E matou te faatū atu se lafo ina ia faia lenei mea e ala i le:

1. Tali atu i manaoga mo ni fesoasoani patino e pei o le Residential Special Schools, Early Intervention, ma le Te Kahu Tōi/Intensive Wraparound Services, New Zealand Sign Language ma a'oa'oga mo Ē Logona
2. Faamanino mai le matafaioi a aoga tausāvali ma aoga nofotumau, o vaega e fai mai aoga i se isi nofoaga ma isi nofoaga i totonu lava o pitonuu o loo maua ai sauniuniga.

E tūa ona tatou maua le paleni sa'o i le va o le ta'imuaina lelei o auunaga, o ni faiaoga loto fesoasoani, fesoasoani o loo maua i totonu o le potuaoga, ma auunaga e faatino taitoatasi i tamaiti.

O sootaga o le Fuafuaga Faatino mo Fesoasoani i ē lē Atoatoa le Malosi o le Tino ma le Mafaufau ma i A'oa'oga, i isi polokalame lautele tau a'oa'oga

Aufaigaluega mo a'oa'oga

Matou te mananao i auaunaga a aoga amata ma isi aoga ina ia iai e aufaigaluega o loo latou moomia auā le faamalieleina o manaoga o fanau aoga uma.

Galuega faatino ua faatū atu: Ua matou fuafua e faaaofia ai le aufaigaluega mo le fesoasoani mo a'oa'oga i totonu o le Education Workforce Strategy lea o le a talanoaina ai toleniga mo faiaoga i le taimi nei, a'oa'oina ma le atina'eina faapolofesa, ma le agaigai atu o le galuega i le fesoasoani mo a'oa'oga.

Soifua manuia ma vave ona toe faaleleia se faaletonu

Matou te mananao i nofoaga uma o a'oa'oga ina ia mafai ona latou maua le fesoasoani e latou te manaomia e uunaia atili ai le soifua manuia o tamaiti aoga, ina ia mafai e tamaiti ma fanau talavou ona auai atoatoa i le faatinoga o latou a'oa'oga.

Galuega faatino ua faatū atu: Ua matou fuafua e:

- galulue faatasi ma matagaluega a le malo ina ia fafau a'e se faalapotopotoga e malosi ma autasi e fesoasoani atu i le ola manuia, i mataupu tau le soifua maloloina o le mafaufau, ma puipuia mai faiga fia malolosi
- faamautinoa o le faamalieleina o manaoga o tamaiti ma fanau talavou e lē atoatoa le malosi o le tino ma le mafaufau ma manaomia le fesoasoani mo a'oa'oga, ua faaaofia i le Fuafuaga Faataatia mo le Ola Manuia o le Tamaititi lea e galulue faatasi ai le tele o matagaluega a le malo.

Faamauga ma le fuafuaina o le aogā

E matou te manaomia faamatalaga e anagatā ina ia mafai ona matou faia filifiliga atamai mo le polokalame ma faaleleia atili le fesoasoani mo tamaiti uma ma fanau talavou.

Galuega faatino ua faatū atu: Ua matou fuafua e:

- fafau a'e ni taiala ma aiaiga i le fefaasoa'iga o faamauga, ina ia mafai i faamauga o loo aoaoina mai e faatatau i manaoga mo tamaiti e lē atoatoa le malosi o le tino ma le mafaufau ma manaoga mo a'oa'oga, ona faasoa atu ma le malupuipua i isi vaega ma auaunagab, ae i le taimi e tasi ia puipuiamalu pea faamatalaga e patino i tagata taitoatasi.

Uuna'ia le auala e momoli atu ai fesoasoani mo a'oa'oga

O le a uuna'ia e le Fuafuaga Faatino mo Fesoasoani i ē lē Atoatoa le Malosi o le Tino ma le Mafaufau ma A'oa'oga le Auala e Momoli atu ai Fesoasoani mo A'oa'oga

Ua faatulaga nei se Auala fou e Momoli atu ai Fesoasoani i A'oa'oga (Learning Support Delivery Model) ma o le a atoatoa lona tino mai i le faaiuga o le 2019. O loo matou faatūina atu le uunaia o lenei faatinoga lelei i le iai o se avanoa o se matafaioi fou: Learning Support Coordinator.

O lenei matafaioi o le a:

- avea ma vaega autū o fesootaiga a mātua ma aiga, ma lagolagosua ai ia i latou ina ia galulue soosootau'au ma le aoga
- lagolagoina le aoga poo le kura ina ia atiina a'e tomai ma le malamalama o faiaoga
- faia sootaga mo suiga nai aoga amata agai atu i luga i isi vaega o a'oa'oga.

Le auala e momoli atu ai fesoasoani i a'oa'oga

Ua faatulaga nei se Auala fou e Momoli atu ai Fesoasoani mo A'oa'oga (Learning Support Delivery Model) ma o le a atoatoa lona tino mai i le faaiuga o le 2019. Na fofoa mai lenei uuna'iga i tuualalo ma manatu faaalua mai mātua ma aiga, aemaise vaega tau a'oa'oga o loo iai i latou e lē atoatoa le malosi o le tino ma le mafaufau.

Na fofoa mai lenei uuna'iga i tuualalo ma manatu faaalua mai mātua ma aiga, aemaise vaega tau a'oa'oga o loo iai i latou e lē atoatoa le malosi o le tino ma le mafaufau. Ua faata'ita'i atu i faiga o loo faatino foi i isi atunuu e pei o Finilani, Ausetalia, USA, Sikotilani, Egelani ma Sigapoa.

E ono vaega autū o le auala fou:

- o se tagata e fesootai uma mai iai aiga ma fanau – o se tasi e latou te iloa o iinā e oatu uma iai mo faamatalaga ma se fesoasoani
- se fuafuaga patino e tasi o loo saunia maia fesoasoani ua tuufaatasi e faafetaia'ia ai manaoga o tamaiti ma fanau talavou taitoatasi
- o aoga, kura, aoga amata ma ngā kōhanga reo o loo galulue faatasi ma i latou ua iai tomai faapitoa, o iwi ma faalapotopotoga, ina ia mataulia manaoga o a latou komiuniti ma faatulaga ai mea e tatau ona ave iai le faamuamua
- ia faigofie ona fetuutuunai e fafau a'e fesoasoani ua fuafuaina faapitoa e lē gata ina aumaia ai aikia fou ae e aogā pe a faatino
- ia faafaigofie le faatinoga ina ia mafai e aoga ma faalapotopotoga o loo saunia auaunaga ona galulue soosootau'au
- ia fefaasoa'i faamaumauga ina ia mafai ona galulue faatasi auaunaga e fesoasoani i tamaiti aoga taitoatasi, ina ia iloa manino ai poo ā manaoga o loo iai ma alaga'oa o loo maua i totonu o le komiuniti.

Learning Support Facilitator

O lenei galuega o loo faatupeina i le taimi leni e le Matagaluega o Aoga ma faatino e tagata faigaluega o loo galulue i le taimi nei, o se vaega o le auala o loo momoli atu ai le fesoasoani i a'oa'oga.

O le Learning Support Facilitator e galulue faatasi ma faiaoga o ē malamalama i manaoga o tagata o a latou komiuniti mo a'oa'oga, faapea ma i latou o loo avatua auaunaga e mataulia ai manaoga o loo iai i le komiuniti, fefaasoa'i faamaumauga ma faia filifiliga i le auala o le a faaaogā ai alaga'oa o loo iai ia latou komiuniti.

O le galuega i le taimi nei:

- o se vaega aloaia o fesootaiga atu i auaunaga fesoasoani mo a'oa'oga ma i latou e lē atoatoa le malosi o le tino ma le mafaufau i matagaluega o aoga ma isi matagaluega a le malo, ma e mafai ona galulue soosootau'au ma le matafaioi lea ua faatū atu o se Learning Support Coordinator
- lagolagosua i le taimuaina o a'oa'oga aloaia ma le tuputupu a'e
- e faamautuina auala ina ia mautinoa o le faiga lea e fafau toatele ai le faiga o faaiuga, o loo amanaia ai manaoga ma manatu o mātua ma aiga
- e mataulia le faasologa o manaoga i se vaega poo le Community of Learning; lagolagosua i le ta'imuaia o a'oa'oga aloaia ma le tuputupu a'e; ma galulue faatasi ma faalapotopotoga e pei o le District Health Board, New Zealand Police, Oranga Tamariki ma le Matagaluega o le Soifua Maloloina.

Se matafaioi fou

Matou te fia lagolago atili i leni faatulagana e ala i le faailoa atu o se matafaioi a se taimua i le fesoasoani i a'oa'oga o le a faatino i totonu o a'oga. O leni matafaioi o le a galulue soosootau'au ma le Learning Support Facilitator.

Learning Support Coordinators

O le Learning Support Coordinator (lea sa ta'ua muamua o le Special Needs Coordinator poo le SENCO) o le a manaomia ona faia se faaiuga i le faatupeina a'o lei faamautuina pe faatino loa.

O leni matafaioi o le a:

- avea ma vaega autū o fesootaiga a mātua ma aiga, ma lagolagosua ai ia i latou ina ia galulue soosootau'au ma le latou aoga
- lagolagoina le aoga poo le kura ina ia atiina a'e tomai ma le malamalama o faiaoga O le a lē manaomia i le amataga ni agavaa faapitoa auā e mafai lava ona maua a'o faagasolo taimi
- fesootai atu ma isi a'oga amata ina ia sologa lelei le sootaga lea e suia ai mai a'oga amata ma faasolo atu i a'oga tulagalua.

O loo matou faatalatalanoaina le fafau a'e o se avanoa faigaluega e amanaia ai tulaga ma siomaga o aoga i nofoaga tu taulaga ma aoga i nuu maotua.